

Raajarniarnermi qalunut ristit atorneqartartut susassaqtartut peqatigalugit nalilersuiffigeqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Tassani raajarniarnerup inuussutissarsiutaanerata pitsanngorsarnissaa piujuaannartitsinerlu ataavartumik ingerlanneqarnissaa siunertaallutik.

(Inatsisartunut ilaasortaq Saxdorph Didriksen, Siumut)

Akissuteqaat

(Aalisarnermut, Piniarnermut Nunalerinermullu Naalakkersuisoq)

1. suliarinera

Inatsisartunut ilaasortamut Saxdorph Didriksen-imut Siumumeersumut, raajarniarnermi immikkoortiterissutit atorneqarnerisa oqallisigineqarnissaannut pisariaqartumik saqqummiusnaanut qujavunga, tassunga ilanngullugu siunnersuutigineqarpoq raajarniarnerup inuussutissarsiutaanerata pitsanngorsarnissaa anguniarlugu immikkoortiterissutit atorneqarnerisa naliliivigineqarnissaat, immikkoortiterissutit atorneqarnerat raajaqassutsimut ajorteriartitsisinnaanerat aarleqqutigineqarmat.

Raajarniarnermi immikkoortiterissutit ukiup 2000 nalaani atorneqalerput, taamaattoq sinerissamut qanittumi raajarniutini taakkuningga atuineq immikkut akuersissutigineqarluni. Kitaani raajarniarnermi tamarmi aqutsinissamik pilersaarummik suliaqartoqareerneratigut taakkuninngalu aalisarnermi MSC-mik nalunaaqutsersuisarnerup anguneqareerneratigut immikkoortiterissutit kitaani qalorsuarsorluni aalisarnermi atorneqartartussanngortinneqarput sinerissamut qanittumi soorlutaaq avataasiorluni aalisarnermi.

Kisianni annermik atuutilernerisa nalaani ulorianartutut isikkoqartarsimanerat naluneqanngilaq, annermik angallatinut minnerusunut sinerissap qanittuani aalisartuusunut. Tamaattumillu nalilersuineq tulluartutut oqaatigineqarsinnaavoq, immikkoortitsirissutit pitsaanerpaamik atorneqarnerisut paasiniallugu – tassalu kilisaatini ataasiakkaani inuttanut aammalu raajaqassutsimut saniatigooralugu pisanik immikkoortitsinissamut.

Aalajangiiffigisassatut siunnersuut Pinngortitaleriffimmut, Sulisitsisut Peqatigiiffiannut KNAPK-imullu tusarniutigineqarpoq. KNAPK tusarniaarnermi akissuteqaateqarsimangilaq.